

Drs. Paul Croes a haci entrega di e copa ganador

Michelle Thijssen Reina di Dande 2009 na Hulanda

DEN e sala ODEON Rotterdam a tuma lugar e di 23 edicion di Festival di Dande na Hulanda. E festival organisa pa Stichting Contacto Arubiano Rotterdam – cu Presidente Erna Diaz– a ser dedica na sr. Ovi Henriquez cu na 1985 a organisa e prome festival di dande na Hulanda. Tabata exactamente 8 or di anochi cu e MC Addonsito Croes a duna comienso n'e festival di 2009.

E voz di Aruba su soprano Tica



Giel a resona cu e Himno Nacional di Aruba "Aruba Dushi Tera".

E participantenan di e aña aki tabata: Kimberly Dijkhoff, Benito Helder, Indira Burke, Michelle Thijssen, Anthony Bikker, Sergio Marin, Gionmar Kock, Luis Figaroa, Marcelino Paesch y Solange Trimon.

Nan a ser acompaña p'e grupo tipico Nos Herencia Cultural, bao guia di Oslin Trimon.

Algun gueststars di e anochi tabata: Saborrr Gaitero di Anthony Giel, Grupo di Baile Nos Sonrisa di Lissette van Trigt y Louis Figaroa cu su acordeon. E cuerpo di hurado a consisti di Marcia Stamper (Presidente), Tico Geerman, Yvonne Tromp y Mena Maduro.

Algo cu a ser masha aprecia tabata e presencia di Haime-, Helen y Jailen Lacle kendenan a transmiti e festival vivo y directo pa Radio Bo Guia Fm Aruba. Sr. Ovi Henriquez como su sra. Elvia a ricibi un cariño for di sra.

Erna Diaz cu a felicita nan pa tanto aña di apoyo n'e festival tipico di dande na Hulanda.

E resultado a bira: Premio Stimulativo C.A.R. 2009: Kimberly Dijkhoff. 5-lugar: Marcelino Paesch; 4-lugar: Sergio Marin; 3-lugar: Solange Trimon; 2-lugar: Luis Figaroa; 1-lugar: Michelle Thijssen.

Parlamentario drs. Paul Croes



presente den Odeon a haci entrega di e copa ganador.

Den su speech Paul Croes a gradici y felicita C.A.R. pa tur e esfuerzo cu nan ta haci pa mantene e cultura di Aruba bibe na Hulanda. Apesar di e

frialdad pafo di e sala, paden el a sinti e calor y amor cu e Arubiano ta sinti pa e parti di e cultura aki. Tambe el a pidi pa nos corda riba esnan cu a perde nan sernan keri durante e temporada aki.

Esaki t'e di dos festival cu Michelle Thijssen ta gana den 2009. Na mei e aña aki el a bira ganadora di Festival di Dera Gai na Tilburg. Pabien na C.A.R cu e festival di 2009.



Pa mas informacion y potretan di e festival por bishita: www.photoindio.com (Edwin Henriquez) y www.arubiano.eu (Roy Kelly).

